




17
18
19
20
21
22
23
24
25
26
27
28
29
30
31
32
33
34
35
36
37
38
39
40
41

15392
2671
=4



☆ 380
857





錢志新編卷九

雲間張崇懿麗瀛輯

古滇趙

飭方



南唐

烈祖李昇者字正倫唐憲宗子建王恪元孫恪生超超
生志仕為徐州判司因家焉志生榮喜浮屠號李道
者於僖宗光啟四年生帝於彭城六歲而孤遇亂伯
父球及母劉氏避地至濠州楊行密見而奇之養以
為子密子渥不能相容復與大將徐溫為子冒姓徐
名知誥及長身長七尺廣顙隆準為人溫厚有謀重


儒好學勤儉寬仁爲政封齊王遂禪吳主位改國號
曰唐典章輿服一遵唐制在位七年壽五十六有古
賢主之風焉傳元宗景後主煜凡三主共二十九年
宋太祖滅之起丁酉終乙亥



元宗名景初名璟烈祖子在位二十年改元凡二保大
十六交泰四寬仁大度更優於烈祖謙讓不名大臣
延公卿講論政體多才藝好讀書善騎射慈和恭儉
睦族愛民裕然有人君之度焉殂年四十六

保大錢王圻稗史彙編曰保大元寶錢南唐元宗鑄





唐國錢唐史曰元宗以府藏空竭錢貨益少乃更鑄
唐國通寶錢以二當開元錢一洪志曰此錢有徑九
分重三銖者徑七分重二銖二參者徑寸二分重八
銖者形制相肖並篆文又有徑八分重二銖六參字
含八分及隸體背上作一圓點者五品中爲最少







大唐錢馬令曰元宗鑄大唐通寶錢與唐國並行洪志曰徑八分重二銖四參有徑七分者文並隸體



永通錢南唐書曰景鑄大錢以一當十文曰永通泉貨又有泉寶徑寸七分重十八銖字八分書背面皆有周

郭肉好洪志曰此錢有三品徑寸五分重八銖七參者八分書背面肉郭好徑寸三分重五銖七參者篆文輪郭厚重銅色昏暗及背作龍鳳形者為三種



後主名煜字重光元宗子在位十五年殂時年四十二以七夕生七夕卒自幼聰悟好讀書善屬文工詩畫明音律為詞家之冠美風儀目重瞳子天姿純孝嗣位初值



國削帑空卽蠲租息役以裕民力故專事中原不憚卑屈境賴以安蓋亦賢主也而卒亡其國者實爲宋運方興耳宋太祖封爲太傅違命侯子姓皆錄用之太宗朝進封隴西公祖贈太師追封吳王開元錢按綱鑑彙編曰後主四年三月行鑄錢其錢之大小一如開元文亦如之用徐鉉篆文比舊錢稍大而輪郭深濶以鍊錢六權銅錢四行公私便之



前蜀

高祖王建者字光圖舞陽人隆目廣顙狀貌偉然少無賴嘗竊人牛馬里人謂之賊王八唐僖宗時官永平節度使當時號爲虎將唐亡建伐梁仍稱天復年號已旋并兩川稱帝國號曰蜀僭位十一年改元凡五武成三永平五通正一天漢一光天一傳子後主衍後唐滅之共二十主計三十五年起後梁開平二年戊辰終後唐同光四年丙戌



永平錢李孝美曰王氏鑄徑七分重三銖形製粗惡




通正錢



天漢錢




光天錢李孝美曰三錢形製大小輕重與永平同




後主衍初名宗衍僭位七年改元二乾德六咸康一信
任中官貪悅女色立錦步帳嘗擊球其中後宮皆帶
金蓮花冠衣道士服與太后遊青城山宮人衣服皆
畫雲霞飄然望之若仙又與韓昭等為狎客同諸婦
人日夜酣飲不理國事以及於亡初唐莊宗使李嚴
聘蜀見蜀都士庶簾帷珠翠夾道不絕而衍驕盈歸
而勸莊宗伐滅之

乾德錢徑七分重三銖形製與前同



咸康錢洪志曰蜀錢皆重三銖獨咸康重三銖三參

有元寶通寶二種製並粗惡




後蜀

高祖孟知祥者後唐太祖弟克讓婿也官西川節度使
時東川節度使董璋為其下所殺知祥遂并有之明
宗封為蜀王尋稱帝僭位四年改元明德傳子昶是
為後主宋太祖滅之其二主凡四十一年起後唐同
光三年乙酉終宋乾德三年乙丑
後主昶僭位二十八年改元廣政信用宵小屏棄忠良
日事遊宴李太后屢諫不聽性復驕奢淫佚後宮所
用溺器皆以七寶粧之

廣政錢後蜀史曰明德三年十二月丁亥申銅禁明年改元廣政洪志曰此錢徑九分重三銖銅質渾厚

字文八分書

吳越





右吳越王錢鏐寶正通寶錢後唐莊宗同光四年吳越王之寶正元年也五代史不言吳越鑄錢事諸家譜錄亦皆不載然此錢精整絕倫似非贗作鈔審定



閩

太祖王審知者固始人梁初封為閩王狀貌雄偉以材器知名常乘白馬號曰白馬三郎傳王延翰王璘始稱帝王昶王曦王延政降於南唐凡六主計五十三年起唐景福三年癸丑終後晉開運二年乙巳開元錢陶岳曰王審知鑄大錢甚粗重文亦開元



太宗王璘初名延鈞僭立一年改元永和淫亂悖理好
鬼神任妖巫納父妾為后寵幸歸守明號為歸郎後
為皇城使李傲所殺


永和錢見錢志有此二品



景宗王曦初名延義篡姪昶位僭立四年改元永隆曦
亦淫侈無度酒色昏沉嬖妃尚氏生殺惟命曦甥李
仁遇以色嬖之遂用為相後曦出醉歸朱文進連重

遇使人就馬上拉殺之

永隆錢閩史曰永隆四年八月鑄永隆通寶大鍊錢
以一當十當鉛錢百洪志曰徑寸四分重十銖二
參文字夷漫製作不精以銅為之五代史不載而
十國志又遺銅品




閩主王延政曦之弟稱帝於建州改國號為殷建元天

德凡三年後仍號閩南唐滅之

天德錢閩史曰天德二年鑄天德通寶大鍤錢以一

當百董道曰天德重寶穿上有殷字洪志曰亦有銅

者



南漢

高祖劉龔者本名巖因白龍現乃採飛龍在天之義作

此龔

音儼

字為名父謙官封州刺史卒子隱代之梁封

南平王龔龔隱職遂稱帝於廣州國號曰漢據嶺南

四十七州地身長七尺垂手過膝好自矜喜奢侈聚

珍寶為玉堂珠殿性慘酷造剝剔炮炙之刑更置毒


蛇水中以罪人投之稱水獄用宦者掌國政僭位二

十五年改元凡三乾亨八白龍三大有十四傳殤帝

玢中宗晟更淫酷設鑊湯鍤床等刑號生地獄連殺

兄弟十二人并其子納女充後宮卒子鋹仍復凶暴
宋太祖伐滅之凡四主共五十五年起梁貞明三年
丁丑終宋開寶四年辛未

乾亨錢李孝美曰乾亨重寶錢徑七分重六銖洪志
曰大者徑寸餘泉寶錄曰大有元寶錢南漢鑄



楚

武穆王馬殷者字霸圖鄆陵人以材勇聞後梁封為楚
王有湖南北十州地寬慈樂善頗著仁聲然多內寵
嫡庶無別諸子卒以此亂國在位二十四年傳子希
聲希範希廣希萼希崇降於南唐凡六主共五十六
年起唐乾寧三年丙辰終後周廣順元年辛亥
乾封錢按楚史曰馬殷時高郁請鑄錢圓六寸文
曰乾封泉寶以一當十洪氏泉志曰徑寸七分重十
七銖以銅為之



天策府寶錢張台曰馬氏錢也董道曰馬氏建天策府因鑄此錢洪志曰此錢徑寸七分重三十銖二參銅質渾厚字文明坦史氏失其傳





燕

劉守光者父仁恭唐昭宗時官盧龍節度使善穴地道以攻城軍中號劉窟頭性驕侈貪暴有愛妾羅氏與守光通仁恭杖斥之守光遂囚其父選境內男子十五以上七十以下得二十萬人黥其面文曰定霸都諷諸鎮尊已為尙父後梁封為燕王僚屬獻受冊儀無郊天改无事守光怒遂稱帝改元應天凡三年晉王李存勗兵入執守光父子斬之

應天錢董道曰幽州劉守光鑄錢曰應天元寶背文

有一万字



錢志新編卷十

雲間張崇懿麗瀛輯

古滇趙

鈔方山校刊


宋

太祖姓趙氏名匡胤涿郡人四世祖朮爲唐幽都令生
 珽唐御史中丞珽生敬涿州刺史敬生宏殷周檢校
 司徒岳州防禦使娶杜氏生帝於洛陽之夾馬營赤
 光滿室異香經宿不散人謂之香孩兒營及長狀貌
 雄偉器度豁如仕周爲檢校太尉殿前都檢點受周
 禪改國號曰宋都汴在位十七年壽五十改元凡三

建隆三乾德五開寶九起庚申終丙子按帝性至仁
孝自奉儉約且能推心置腹得以削平諸國所向有
功陳搏聞帝卽位曰天下自此定矣遠近蒙恩澤敷
四海洵爲三百二十年開基之主焉傳太宗真宗仁
宗英宗神宗哲宗徽宗欽宗是爲北宋高宗南渡再
傳孝宗光宗寧宗理宗度宗恭帝端宗帝昺是爲南
宋凡十八主統計三百二十年起庚申終己卯

宋元錢宋史食貨志曰五代以來皆用唐舊錢其鑄
者鮮太祖始鑄錢文曰宋元通寶鄧元錫函史曰宋



元通寶錢輕重一準唐之開元光幕外又有星指文





太宗名匡義更名炁太祖之弟遵杜太后遺命先傳二
弟然後傳子在位二十二年壽五十九改元凡五太
平興國八雍熙四端拱二淳化五至道三起丙子終
丁酉按帝在御省刑薄賦采直言敗遼兵收吳越滅
北漢天下一統尤好讀書足稱賢主然使一弟二姪
不得善終嫂開寶皇后宋氏崩殯於佛舍不使羣臣

成服何其悖也




太平錢食貨志曰太平興國元年更鑄太平通寶錢



淳化錢食貨志曰帝親書淳化元寶真行草三體字鑄錢後更鑄皆曰元寶而冠以年號又續泉志載淳化二年從趙安易請鑄御書大錢因未覩茲不錄




至道錢食貨志曰至道中歲鑄錢八十萬貫又於至道二年以池州新錢監為永豐監




真宗名恒初名元侃太宗之子在位二十五年壽五十

五改元凡五咸平六景德四大中祥符九天禧五乾
興一起戊戌終壬戌按帝初任寇準等紀綱整肅大
有可觀後以王欽若輩倡說異端降天書封泰山哆
享昇平誇張海內然使王子就學重國本有足稱焉
咸平錢食貨志曰咸平四年作永利監鑄錢




景德錢食貨志曰景德四年詔曰鑄錢素有程限念
其勞苦特示矜寬自今五月一日至八月一日止收


半功歲鑄錢一百八十三萬貫



祥符錢食貨志曰大中祥符七年用知益州凌策言
歲鑄錢二十一萬貫




天禧錢食貨志曰天禧末歲鑄錢一百五萬貫



仁宗名禎初名受益真宗之子在位四十三年壽五十四改元凡九天聖九明道二景祐四寶元二康定一慶歷八皇祐五至和二嘉祐八起癸亥終癸卯按帝初政母后臨朝政非己出寶元康定西鄙多事慶歷以後引用韓范號稱君子滿朝性恭儉仁恕始終如一 大辟疑獄上所活歲以千計可謂至仁之主焉

天聖錢按此



篆二品自後宋錢每有篆文








明道錢按此錢有楷篆二品



景祐錢按此錢有楷篆二品




寶元錢食貨志曰仁宗特命以皇宋通寶為文續泉志曰有大小三品自七分重至一錢九分大錢背文有五字在穿上恐是當五錢文亦皇宋通寶





康定錢通鑑綱目曰康定元年十二月鑄當十大錢


以助邊費按此錢大小厚薄與大崇寧同小者亦少





慶歷錢食貨志曰陝西都轉運使張奎知永興軍范雍請鑄大錢以一當十文曰慶歷重寶




皇祐錢宋志曰皇祐中饒池建江韶五州鑄錢一百四十六萬緡





至和錢續泉志曰慶歷未以當十作當二用自此有
 折二錢此篆文大至和蓋折二錢也傳世獨少有元
 寶通寶二品










嘉祐錢邱濬曰宋自開寶後每更一號必鑄錢故每
 帝皆有數種續泉志曰錢最多者一也亦有楷隸篆
 三體文字元寶通寶之別







英宗名曙初名宗實仁宗嗣子濮王允讓之子在位四年壽三十六改元治平起甲辰終丁未按帝以明質之資膺繼統之命臨政必問古治所宜裁決出羣臣意表雖未久升遐然後世仰高風咏至德何其盛哉
治平錢食貨志曰歲鑄錢一百七十萬緡




神宗名頊英宗之子在位十八年壽三十八改元凡二

熙寧十元豐八起戊申終乙丑按帝孝友謙抑勵精圖治將大有為而惑於王安石之曲學偏見騷動天

下致祖宗之良法美意變壞幾盡卒成禍亂惜哉
熙寧錢宋志曰熙寧四年從陝西轉運使請行折二
錢遂大行天下



元豐錢宋志曰時西師大舉邊用告竭寶豐下監歲
鑄折二錢二十萬緡轉移陝府



錢志新編卷十一

雲間張崇懿麗瀛輯






古瀨趙

鈔方山校刊








宋

哲宗名煦神宗之子在位十五年壽二十五改元凡三元祐八紹聖四元符三起丙寅終庚辰按帝幼冲踐祚宣仁同政召用諸賢罷廢新法故元祐之政庶幾仁宗及舊奸復用假紹述以反前政報復善良黨禍藉興國政做焉



元祐錢按此錢有行書篆文二品




紹聖錢按此錢有通寶元寶二品食貨志曰元祐中罷徐州寶豐監鼓鑄按又有紹聖大鐵錢





元符錢食貨志曰元符二年官銅取就西京置監又日紹聖中以銅錢一千文易鐵錢二千五百







徽宗名佶哲宗之弟在位二十六年壽五十五改元凡
 六建中靖國一崇寧五大觀四政和一重和一宣和
 七起辛巳終乙巳按帝性甚機巧優於技藝不修國
 政大興土木昇棄忠正任用奸邪以致天變民怨盜
 賊乘機四起金人大舉入寇擄帝北去紹興五年殂
 於五國城

聖宋錢宋志曰建中靖國以聖宋元寶為文







崇寧錢食貨志曰崇寧四年崇寧監以所鑄御書當
 十錢來上詔頒其式於諸路







大觀錢食貨志曰大觀元年二月鑄御書當十錢以轉運使朱喬年領之鑄烏背錢









政和錢食貨志曰蔡京命諸路錢監復改鑄夾錫錢遂以政和錢頒式焉














重和錢食貨志曰重和中權罷鑄夾錫錢









宣和錢宋志曰御府乏用乃令饒贛錢監鑄小平錢每緡用鐵三兩倍損其銅稍損其鉛又令江池韶錢監盡以小平錢改鑄當三錢









欽宗名桓徽宗之子在位一年壽六十一改元靖康丙午歲也按帝在東宮時雖無失德然國已靡亂莫可挽回況一李綱而不能用致金人劫帝北行紹興三十年殂於五國城

靖康錢食貨志曰靖康元年四月辛未申銅禁按此錢制作精好傳世甚少一品大者重寶更不易得





高宗名構徽宗第九子南渡卽位臨安在位三十六年
壽八十一改元凡二建炎四紹興三十二起丁未終
壬午按帝無撥亂之才惑於奸臣秦檜和議雖有李
綱趙鼎爲相張韓劉岳爲將不能復尺寸之地稱臣
奉貢忘不共戴天之讎且連發金牌十二俾十年之
功廢於一旦或曰生帝時夢吳越王入宮斯言信歟
建炎錢此錢有大小三品大錢篆文曰重寶







紹興錢馬端臨曰紹興十五年置利州紹興監鑄錢
十萬緡有大小三品大者楷文又有鐵錢






孝宗名瑗更名睿高宗嗣子太祖七世孫秀王偁之子
在位二十七年壽六十八改元凡三隆興二乾道九
淳熙十六起癸未終己酉按帝雖入嗣然能盡宮庭
之孝前世未有且聰明英毅銳志恢復惜乎帝能繼


高宗之志而諸臣不脫秦檜之習然易表為書改臣
為姪減去歲幣以定鄰好而隆興乾道之治不可訛
居恒節用愛民好學勤政采直言斥宦豎重道崇儒
真宋室賢主也隆興錢食貨志曰隆興元年詔鑄當
二小平錢如紹興之初




乾道錢宋史本紀曰乾道六年二月復置舒州同安
監六月置蘄州蘄春監十二月置黃州齊安監江州
廣寧監臨江軍豐餘監撫州裕國監皆鑄鐵錢南渡
以來鐵錢至此極盛食貨志曰乾道六年鑄錢司歸
運使八年以新鑄錢殺雜提點鑄錢等官責降有差



淳熙錢宋史本紀曰淳熙元年罷鐵錢改鑄銅錢食
貨志曰詔舒蘄等監復鑄鐵錢並增五萬貫以通寶
為文按宋錢自淳熙七年始至咸淳錢背上皆鑄年
數如淳熙錢背文柒字至十六字又有泉字及星月
文者鐵錢背上增鑄一所鑄之監名





錢志新編卷十二

雲間張崇懿麗瀛輯

古滇趙


飭方山校刊

宋



光宗名惇孝宗之子在位五年壽五十四改元紹熙起
 庚戌終甲寅按帝幼有令聞及卽位之初總權綱屏
 嬖倖薄賦緩刑有可觀者柰制於悍妬之后至失孝
 養擅殺貴妃而不能以大義廢之忽因風雨作而心
 怖壇燭滅而疾增遂不視朝機務悉歸宮闈上皇不
 諱依諒陰之禮太子監國百官成服可也何至稱疾

臨朝會皇仆地中外危懼從權立子閒居五載與姤
后俱亡哉



紹熙錢食貨志曰紹熙二年減蕪春同安二監歲鑄
錢各十萬緡按篆文錢自紹熙而止以後惟用楷書
背文自元字至五字有銅鐵二種



寧宗名擴光宗之子在位三十年壽五十七改元凡四
慶元六嘉泰四開禧三嘉定十七起乙卯終甲申按
帝召用宿儒引拔善類其政卓然中以韓侂胄內蓄
羣奸指正為偽尙書由竇侍郎犬噪大諫與松壽同
名外挑強鄰流毒海內未幾史彌遠起而韓即見殛
函首求成國體虧矣及彌遠擅政楊后竊柄帝惟拱
默不能自強計彌遠不臣之罪亦何殊侂胄哉
慶元錢食貨志曰慶元三年復神泉監以所括銅器
鑄當三大錢隸工部製特精妙幕有元字至六字







慶元大錢此錢較當三大而厚未識當幾錢也光幕





慶元小平鐵錢背文有春二同三等字製甚精工






嘉泰錢此錢背文自元字至四字止當三錢則光幕



嘉泰大錢此錢較當三亦厚大與慶元同光幕





開禧錢食貨志曰嘉泰三年罷舒斲鼓鑄開禧三年復之背文元字至三字止







開禧鐵錢背文有漢三漢二等字



嘉定錢食貨志曰嘉定元年卽利州鑄當五大錢制司欲盡收舊引又於紹興惠民二監鑄三十萬貫其料並同當三錢與折二小平錢並行背文自元字至十七二字止當五乃光幕





嘉定鐵錢有回文者背有漢二春三春八等字



嘉定折十錢製極精整背文有折十二字諸譜不能

俱載蓋此錢傳世絕少不可悉得也



理宗名的初名貴誠寧宗嗣子太祖十世孫燕王德昭

之後榮王希璪之子在位四十年壽六十一改元凡


八寶慶三紹定六端平三嘉熙四淳祐十二寶祐六

開慶一景定五起乙酉終甲子按寧宗初育貴和為


子更名竑時彌遠專政竑嘗書曰彌遠當決配八千

里彌遠聞之懼及寧宗崩乃矯詔立昀為帝廢竑為
 濟王帝享國與仁宗同惟其中年嗜欲既多怠於政
 事權移奸邪故致治有異耳然初即位能黜王安石
 而尊濂洛表章周程張朱丕變士習使後世知理學
 足以復古帝王之治帝之功不為少焉廟號曰理固
 其宜也

大宋錢食貨志曰寶慶元年新錢以大宋元寶為文
 按背文自元字至三字止又鐵錢背文有漢元春二
 春三等字又有仍以寶慶元寶為文者絕少






紹定錢此錢背自元字至六字止




端平錢食貨志曰端平元年錢用膽銅所鑄故不耐
 久而舊錢之精緻者泄於海舶雖申嚴入海之禁不

復能止背文自元字至三字止當五錢乃光幕文曰
通寶又大鑄端平背有利折十三字蓋當十錢也






嘉熙錢食貨志曰嘉熙元年鑄新錢當二小平以通

寶為文當五以重寶為文小平當二背文自元字至
四字止當五則光幕



淳祐錢此錢小平折二背文自元字至十二二字止
又當百大錢以通寶為文背有當百二字按本紀曰

淳祐九年三月以程元鳳為江淮等路都大提點坑冶鑄錢公事蓋是時所鑄有二品小者只當三錢大



皇宋錢食貨志曰寶祐元年新錢以皇宋元寶為文其錢背文元字至六字止




開慶錢本紀曰開慶元年五月乙丑行開慶通寶錢

背文有元字



景定錢續文獻通考曰景定元年九月新錢以景定元寶為文背文自元字至五字止



度宗名禛理宗無子以母弟與芮之子為嗣在位十年壽五十三改元咸淳起乙丑終甲戌按帝即位以來

荒於酒色萬機大政委於權臣以致賈似道竊位專權蒙蔽誤國使將士離心自襄陽之陷而宋之大勢去矣蓋當是之時承平日久民不習戰郡縣之兵望風而潰元兵南渡如蹈無人之境宋祚三百餘年深可惜哉咸淳錢此錢背文自元字至十字止



按度宗後尙有三帝皆度宗之子恭帝一年改元德

祐元人劫之北去降封為瀛國公端宗二年改元景
炎末主二年改元祥興元兵入崖州丞相陸秀夫負
帝投海而死宋亡皆未聞鑄錢而方回古今考載有
德祐元寶錢今世未之見又云自慶元始至咸淳凡
八十一年所鑄新錢並入內藏未嘗行用民間無此
一文內藏積至一千二百萬貫

銅鈔牌長三寸許濶一寸又有長二寸許大小不同
各照其值一面曰臨安府行用一面曰準伍伯文省
或參伯文省額有小竅貫以致遠蓋是宋季國窮補
救變通之物云省者乃當時以七十文為百謂之省
錢銅牌為支錢之券故著省字

○臨安府行用

○準伍伯文省

○臨安府行用

○準參伯文省

附劉豫





按豫字彥游阜城人

今河間府阜城縣

宋濟南太守叛降於

金建炎四年九月金人立豫為齊帝據都大名府僭

元阜昌後徙汴京盡有梁衛之地為金人侵寇宋境
大為邊患紹興七年岳少保用反閒計使金廢豫為
蜀王至紹興十六年乃死鑄有阜昌錢二種重寶者
楷文元寶者字仿開元體大小與宋錢大崇寧同



1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

